

吳可箕

可箕，明休寧人。國子監生，乙酉五月，清兵渡江，福王出走，可箕題詩衣上，走雞鳴山關壯繆廟中，痛哭自縊死。

題衣上詩

大義君臣重，臨危矢致身。操心死國難，恥作兩朝人。

凌潤生

潤生，明歙縣人。御史駟從子，清兵下歸德，與駟同死。

題衣絕筆

鞠旅陳師誓大川，時乎不濟悵徒然。沙場偃臥一聲嘯，鞭馭春光向上天。

夏完淳

完淳，字存古，明華亭人。考功郎允彝子。年十五，唐王時官中書舍人，從軍，越二年，以陳子龍事連及，死於難。有玉樊集、南冠草。

顧寧人云：『存古父允彝以吏部考功郎主事，不辱赴水死。母某氏棄家爲女冠，存古年十七，慨然有勤王之志，與諸豪俊相結，往來湖中，能視天文，料軍事，草檄賦詩，援筆立成。及松江敗，與端木諸君，蹈義以死，豈非忠臣之子，能成父志者哉！』

秋夜感懷

登樓迷北望，沙草沒寒汀。月湧長江白，雲連大海青。征鴻非故國，橫笛起新亭。①
無限悲歌意，茫茫帝子靈！

①新亭，見前虞集詩注。

春興同錢大作

上苑東風試早鶯，故宮依舊百花明。江帆入境移瓜步，①敵馬如雲走石城。②金

鼓平陵③憐翟義④旌歌滄海葬田橫⑤傷心中夜看牛斗，醉把吳鈞⑥萬里行。

①瓜步，地名，在今江蘇六合境。

②石城卽石頭城，明南都，今南京是也。

③平陵，地名，在今陝西

咸陽西北，昭帝陵在此，因以爲縣。

④翟義，字文仲，漢上蔡人，累官東郡太守，王莽居攝，義舉兵討

逆，立劉信爲天子，自稱大司馬，柱天大將軍，移檄郡國三輔，豪傑多起響應，兵敗死。

⑤田橫，見前

鄧剡詩注。

⑥吳鈞，劍名。

張肯堂

肯堂，字載松，明華亭人。天啓進士，官至福建巡撫。唐王立，拜吏部尚書，魯王監國，加太傅，舟山不守，自經死。

絕命詞

自靖錄：舟山兵敗，肯堂服蟒袍南面坐，視其妾五人，媳沈氏，孫女茂漪，皆縊死，卽題絕命詞云云。自縊於雪交亭。

虛名廿載著人間，晚節空勞學圃閒。漫賦歸來慚靖節，①聊歌正氣續文山。②君恩未報徒憂瘁，臣道無虧在克艱。寄語千秋青史筆，衣冠二字莫輕刪。

①陶靖節（潛）賦歸去來辭。

②文文山作正氣歌。

張煌言

煌言，字玄著，號蒼水，明鄞人。崇禎舉人，明末南京之敗，煌言與同郡錢肅樂等倡義奉魯王監國，以兵屢抗清師，舟山破，魯王入閩，倚鄭成功，煌言勸成功取南京，自崇明入江，所向皆捷，煌言先移師上游，已下皖二十餘城，成功自鎮江敗退，事遂不成。後魯王卒，煌言散兵隱居，旋為清軍所獲，不屈死。有奇零草、北征錄、採薇吟。

挽張鯢淵①相國

一身真可繫危安，垂死威儀尚漢官。
 ②魂返黃墟③應化碧，顏留青史即還丹。
 千秋共惜遺金鑑，④十載何慚帶鐵冠。
 ⑤也識公歸箕尾⑥上，定依日月倍芒寒。

①鯢淵謂張肯堂。

②肯堂臨難時，蟒袍就縊。

③黃墟，地下也。

④唐張九齡於千秋節上事鑑

十章，號千秋金鑑錄，以伸諷諭。

⑤鐵冠，御史之冠，肯堂曾官御史，故云。

⑥箕尾，二星名，見前陳

嘉謨詩注。末句芒謂星之光芒。

...家。次報君恩塗白髮，祇留相業在黃麻。③

樓空燕子徐風墜④門冷龍孫⑤帶雨斜一自墨胎歌⑥斷後華亭⑦鶴唳更堪嗟。

①紗籠用王播事，播少孤貧，寄食僧舍，僧厭忌，乃罷齋而後擊鐘，因題詩壁上。後播鎮揚州，訪舊詩，已碧紗籠之矣。②五柳謂陶潛，潛自號五柳先生。③黃麻，詔書之稱。④句謂肯堂諸姬皆從死。燕子樓，用唐張建封妾關盼盼故事。⑤龍孫，竹名。⑥墨胎，孤竹國君姓。歌謂夷齊西山之歌。

⑦晉陸機故宅在華亭，機將死，嘆曰：『華亭鶴唳，可復聞乎？』

弔沈五梅①中丞

香臺咫尺渺人琴，萬里寒潮送夕陰。報國千年藏碧血，毀家十載散黃金。名山難瘞孤臣骨，潮海空磨戰士鐔。②留得荒祠姓氏古，春歸惟有杜鵑吟。

①沈五梅，不詳。②鐔，兵器，似劍而小。

張書紳范子瞻論余十餘年來戎馬勞苦孤危以詩見贈讀之悵然因次其

韻

相業封侯非我望，伯圖王業向誰論。可憐節在旄全落，^①獨恨交亡劍尚存。^②上
客攝衣空有缺，^③孤軍裹甲已無禪。也知戈朽難回日，^④誓死何妨絕影奔。

^①句用蘇武牧羊故事，見前注。^②句用季札掛劍故事，見前注。^③馮驩，孟嘗君客，以食無魚，出
無車，無以為家，三為長缺歸來之歌，孟嘗君禮之，悉如所求。^④句用魯陽揮戈故事，詳前注。

書懷

一劍橫磨^①近十霜，端然搔首看天狼。^②勳名幾誤乘槎客，^③意氣全輕執戟郎。
^④圯上^⑤書傳失絳灌，^⑥隆中^⑦策定起高光。^⑧山河縱破人猶在，試把興亡細
較量。

^①橫磨，劍名，本景延廣語。^②天狼，星名。楚詞：舉長矢兮射天狼。^③句用張騫乘槎故事。博物志

言有人乘浮槎到天河，與牛宿作談。荆楚歲時記引此，謂此人即張騫云。^④執戟，古侍郎之職。東

方朔文：官不過侍郎，位不過執戟。^⑤圯上，謂圯上老人。張良遇黃石公於圯上，授以太公兵法。

^⑥絳謂絳侯周勃，灌謂灌嬰，均漢文時大將。^⑦隆中，諸葛亮隱處，在今襄陽境。後漢先主劉備見

亮於隆中，一談即定三分之策。^⑧高光謂高祖光武二帝。

長驅胡騎幾曾經，草木江南半帶腥。肝腦總應塗舊闕，鬚眉誰復嘆新亭！^①椎飛

博浪^②沙先起，弩注錢唐^③潮亦停。回首河山空血戰，只留風雨響青萍。^④

①新亭，見前注。 ②博浪謂張良刺秦始皇，見前注。 ③吳越王錢鏐築捍海塘，怒潮急湍，版築不

就，鏐乃造竹箭三千，羽簇俱備，命水犀軍架強弩五百以射潮，潮頭東趨西陵，遂定其基。 ④青萍，

名劍也。

八月辭故里二首

按：此詩二首，本國粹學報所錄。又按三岡識略所載，與此不同。其辭曰：「張煌言仕魯藩，周旋海島二十餘年，後知事無成，散遣部曲，入普陀為僧，至是就擒，賦詩見志云云。」詩止一首。（缺後一首）

茲從國粹所載，兩首全錄。

義幟縱橫二十年，豈知閏位^①在于闐。桐江空繫嚴光釣，^②震澤難回范蠡船。^③

生比鴻毛猶負國，死留碧血欲支天。忠貞自是孤臣事，敢望千秋信史傳。

①閏位，謂如年之有閏月，非正統也。 ②嚴光，漢餘姚人，字子陵，少與光武同學，光武即位，變姓名

隱釣於富春江上。桐江，即富春江，釣臺在焉。

③范蠡，春秋楚人，仕越，與越王勾踐共滅吳，遂浮海

入齊，或謂載西施游五湖，營商致富。震澤，今太湖也。

國亡家破欲何之，西子湖頭有我師。日月雙懸于氏墓，
乾坤半壁岳家祠。①慚將素手分三席，猶爲丹心借一枝。他日素車東浙路，怒濤豈必屬鷗夷。②

①于氏墓謂于謙墓，于謙見前注。

②岳家祠謂岳飛之祠，岳飛見前注。

③臨安志：『子胥死，浮

屍於江，因流揚波，依潮來往。或有見其乘白馬素車在潮頭者。』鷗夷謂子胥，子胥死，以鷗夷盛屍浮於江。

吳 易

易，字日生，號惕庵，明吳江人。崇禎癸未進士，授兵部職方司主事，奉檄督餉吳中，未還而揚州已失，而吳江亦失，遂與同邑孫兆奎等舉兵。唐王聞之，遙授兵部右侍郎，總督江南諸軍事，進兵部尙書。魯王亦授兵部侍郎，封長興伯，爲清兵所敗，遁嘉善錢氏園，爲仇家所執，解杭州，不屈，作詩數章，死草橋門，年三十五。

朱竹垞云：「啓禎之間，風雅凌替，古風猶置不講，日生奮跡松陵，誦六公咏，原本老杜八哀之作。」

六公詠

靖遠侯王忠毅公驥①

抱膝當時危，懷古存匡濟。英雄與世徂，風烈忍衰替。我思靖遠公，振翮全盛世。踴躍弓馬間，談笑布軍勢。甘涼②始出鎮，肅整戎伍氣。張筵斬懦將，股栗衆相視。一舉平阿台，河西晏亭燧。麓川③肆作逆，公又決大計。鎖甲④金兜牟，照耀宮中賜。長驅展方略，奪險扼吭背。指麾風霆奔，戰象失精銳。萬古金沙江，不聞漢兵至。江

枯石碣爛，羅拜帳下誓。凱歌萬里入，勞賜千里出。不有爪牙臣，何以正神器。龍蛇壯士節，蛙黽腐儒議。嗚呼三征南，丹書在苗裔。

①王驥，字尙德，明東鹿人。剛毅有膽，曉暢戎略。中永樂進士，官兵部尙書。麓川之役，總督軍務，踰孟養至孟邾海，地在金沙江西，去麓川千里，為自古兵力所不到，諸蠻震怖。凡三征麓川，還總督南京機務，年七十餘，以兵部尙書請老歸，諡忠毅。
②甘，今張掖地，涼，今武威縣。
③麓川，地名，在今雲南，永樂中思任登叛，遣王驥討平之，詳上注。
④鎖甲，即鎖子甲，鐵甲也，可以禦箭。金兜牟，戰時所著之冠，亦名冑。

威寧伯王襄敏公越①

威寧熊羆②姿，高視氣敵萬。脫略繩墨外，勇智走飛電。大廷吐奇言，排闥怒風旋。威聲動異域，瓌特震所見。日屬膺帝心，短袂故上殿。帝曰快御史，為朕將而弁。所部皆鷹騰，公也身搏戰。擣虛握勝策，入穴虎乃困。一片紅鹽池③，冰天千帳爛。烽

消玉關④烟，雪卷陰山片。轅門正高會，琵琶奏哀豔。戰士挾秦姝，頓使死力賤。豁

淡黃金印，零落白羽扇。⑥風塵暗不開，北顧撫長劍。

①王越，字世昌，明濬人。景泰進士，歷官兵部尚書，總制大同及延綏甘寧軍務，封威寧伯。凡三出塞，收河套地，身經十餘戰，出奇取勝，動有成算，獎拔士類，籠絡豪傑，人樂爲用，卒諡襄敏。②熊羆，皆猛獸，以喻武士。③紅鹽池，在陝西定邊縣西北，與甘肅鹽池縣接界，王越大破韃靼於此。④玉關卽玉門關，在甘肅陰山，橫障漠北。二句謂討平邊寇。⑤鐵券，古以頒有功之臣者，其制如瓦，外刻履歷恩數之詳，以記其功，中鑄免罪減祿之數，以防其過。字嵌以金，各分左右；左頒功臣，右藏內府，有故則合之以取信。⑥相傳諸葛亮以白羽扇指揮三軍，黃金印、白羽扇二句謂王越死後零落情況。

新建侯王文成公守仁①

文成王佐才，星嶽氣突兀。資神②道無餘，童稚挺英越。訪客絕塞游，③獷騎④角
馳射。睥睨⑤山川勢，志蓋燕然⑥。磧縱橫五十家，旣長稍折節。空濛九華⑦雲，浩
蕩南屏⑧月。以茲洞儒宗，奧義大闡斥。精微續聖系，餘緒⑨贊帝業。運籌羣盜間，

魑姦百巢滅。①神龍無安翔，金翅縱高掣。逆旂蔽西江，②妖星射金闕。③公時擁上流，安危視絲髮。隻手提天綱，④雷轟走飛檄。指顧縛元凶，⑤九廟初安帖。煌煌再造勛，不得身獻捷。帝閭紛狼狐，八荒置牙孽。⑥非公燁，⑦威名乾坤免頽疊。控制仗兵符，中樞洵雄哲。吁嗟營青蠅，⑧功大賞故阨。論道羅豪賢，恬澹謝矜伐。崩迫戎馬中，講席每不輟。中興劇南顧，元老再秉鉞。六字蛟螭薶，⑨千年銅柱折。⑩漢儀耀百蠻，洒淚思田碣。威寧⑪赫遺劍，伏波⑫愾廟謁。乃知非常人，洞達神爽接。我生世未遠，恐懼壯猷歇。戡靖竟何人，中原日流血！

①王守仁，字伯安，明餘姚人。弘治進士，正德初以忤劉瑾，謫龍場驛丞，瑾誅，累擢僉都御史巡撫南贛，平大帽山諸賊，定宸濠之亂，世宗時封新建伯，總督兩廣，破斷藤峽賊。明世文臣用兵，未有如守仁者。其學以良知良能為主，嘗築室陽明洞中，世稱陽明先生。有王文成全書。

②資神，猶稟賦也。

③守仁少好騎射，曾赴塞外，與胡兒馳逐。

④獷騎，謂胡騎之獷悍者。

⑤睥睨，斜視貌，有輕視

之意也。

謂滅賊甚速。①逆旗謂宸濠之叛。西江猶言江西。②妖星指彗星、機槍等言；金闕謂朝廷也。

③天綱，星名，主武帳；又作王法解，並通。④指顧，言速迅也。元凶，謂宸濠。⑤上句謂朝多小人，下

句謂廣布爪牙。⑥輝，熾也，盛也。⑦詩，營營青蠅，後世以青蠅喻讒人。⑧不詳。⑨漢馬援平

交趾，立銅柱於象林南，與西屠國分界。⑩威寧謂王越，見上。⑪伏波謂馬援，援拜伏波將軍。

定襄侯郭忠武公登①

郭公武定孫，②神駒渥注③好。十齡走健筆，歛吸振奇藻。動徹春秋義，兵法腹笥

了。安危異人出，所以奠皇造。英宗北狩初，決機一何早。黃塵擁華蓋，④痛憤居庸

道。紫微⑤為盪搖，柱⑥極西欲倒。我公奮孤撐，乃心協少保。⑦國也，今有君，揮

血視清昊。嶽窠⑧雲中城，⑨虎豹鬱相抱。崩騰萬馬陣，擊衆每用少。猿臂捷有神，

鐵甲盡穿縞。楊石⑩雄軍聲，鎖鑰資電掃。撇烈天網翻，槎枒地龍繞。豈多三軍力，

遂爭造化巧。詩看橫槊賦，⑪檄倚馬上草。排宕非常姿，灑氣秋空晶。⑫高詠戰場

篇，^④寂寞風流紹。

①郭登，字元登，英孫，明濠人。幼穎敏，及長，博聞強記，善議論，好談兵。景泰初以都督僉事守大同，以破敵功封定襄伯。登儀觀甚偉，髯垂過腹，為將紀律嚴明，料敵制勝，動合機宜。成化中卒，諡忠武。

②郭英封武定侯。 ③渥注，見前注。 ④華蓋，天子之車蓋。 ⑤居庸，關名，在昌平西北，地甚險要。

⑥紫微，星名，天子之所居。 ⑦柱，謂天柱。 ⑧少保，謂于謙，詳見前注。 ⑨巖窠，見前注。 ⑩雲中城，即山西大同。 ⑪楊石，不詳。 ⑫句謂橫槊賦詩，倚馬草檄。 ⑬晶，音杏，明也，遠也。 ⑭戰場，篇，當是登詩。末句謂風流寂寞，無人紹述也。

少保戚公繼光^①

大將東南誰，戚公真鷹揚。②雄情恣擗闔，③祕策揮陰陽。夙奉綦履④訓，更見經術詳。結友傾賢豪，文采殊頡頏。曉達三門⑤流，以律師所臧。龍鳥追武侯，⑥衡軸通軒皇。⑦變化開精心，什伍為鴛鴦。島夷⑧蹂南土，兵氣慘不張。閉營百日練，戰

年，戎馬不敢颺。伐暴貴上兵，^⑤功豈必戰場。豈無通侯賞，坐使戰士傷。時平武略絀，世亂智勇長。問彼登壇者，曷以恢我疆。

① 威繼光，見前。

② 鷹揚，謂威武奮揚如鷹也。

③ 捭闔，猶言開合，鬼谷子有捭闔篇，言陰陽剛柔，

喻制事之宜。

④ 綦履下飾也。思君履綦，言視殿上之地，則想君履綦之迹也。

⑤ 三門，當指奇門

遁甲術數之類。

⑥ 龍鳥，當是陣圖之名。句謂如武侯之戰陣法。

⑦ 衡軸，喻兵法。句謂繼光曉暢

兵法。軒皇，謂軒轅黃帝。

⑧ 鳥夷，謂倭寇。

⑨ 上句謂南平倭寇，受命北鎮薊門，以備邊患。

⑩ 犁

庭謂犁平其庭以爲田，喻滅國也。

⑪ 亭障，句謂繼光造燉臺數千以固邊防。

⑫ 呼韓、郅支，均匈奴

單于之稱，此喻韃靼受封，邊塞晏然。

⑬ 上兵，謂『上兵伐謀』，不貴力敵也。

（語本孫武子謀

攻篇）

都督俞公大猷^①

文武道不殊，自古惜絳灌。^②俞公萬夫雄，倜儻亦儒將。讀書當陽亞，雅歌征鹵^③上。開豁延攬真，沈靜韜鈴暢。^④公師趙布衣，^⑤手畫風雲狀。貫穿十八勢，方圓識

所剗。瑣瑣部使者，叱咤故庸妄。寇憑舟山劇，^⑥策恃橫海壯。洪颿排烈風，壯氣噴高浪。艨衝^⑦百丈城，大壑千里帳。蛟宮覆絕島，鯨波赤溟漲。幕府害讜言，不得功罪當。奇績屢見攘，塞默秉謙讓。及乎雲溪^⑧役，搜剔窮箐嶂。遂憑死間力，老謀一摧盪。封侯數則奇，^⑨燕頷^⑩空殊相。詎多驅除才，大受足忠忼。國恥今未雪，元戎況飛颺。豈無幽沈士，屹然安危仗。蒼茫鼓鞞思，^⑪駕馭必英匠。^⑫

①俞大猷，字志輔，明晉江人。讀書知兵法，舉嘉靖武會試，累擢廣東都司，平交黎有功，進參將，移浙

江，屢以舟師破倭寇，時稱俞家軍，為諸倭所嚴憚。擢廣東總兵，平惠潮羣盜，經略廣西，滅海賊，平古

田獍，積寇盡除，威震南服。卒諡武襄。大猷負奇節，其用兵先計後戰，不貪近功，忠誠許國，老而彌篤，

洵名將也。②絳謂絳侯周勃，灌謂灌嬰，均漢之名將。③征鹵，鹵，猶大盾也，言雅歌於征鹵之間。

④上句謂襟胸開豁，則延攬出於真誠。下句謂秉性沈靜，則曉暢軍略。⑤不詳。⑥句謂倭寇

憑藉舟山為亂。⑦艨衝，戰艦也。⑧雲溪，地名。⑨漢李廣數奇，不得封侯，此借以為喻。⑩古

以燕頷虎頭為貴相。⑪鼓鞞，軍中樂器。聞鼓鞞而思將帥，故曰鼓鞞思。⑫英匠，猶言哲匠，句謂

已分沙場報國恩，身經百戰滿創痕。但教死去圖麟閣。①不願生還入玉門。②

①麟閣，卽麒麟閣。漢宣帝圖功臣於麒麟閣，凡十一人，以霍光爲首。②玉門卽玉門關，見前注。

陸培

培，字鯤庭，明仁和人。崇禎進士，除行人，家居死難。

絕命詩

誰謂朝廷一命輕，行人①使節本皇明。
春秋官敍諸侯上，周禮班從司馬名。
雍國尙慙收采石，②荆胥無計泣秦兵。
蕩陰③徒有湔衣血，烈帝孤臣恨未平。④

①行人，官名，掌朝覲聘問之事，周禮屬秋官。
②雍國謂虞允文。允文字彬甫，紹興進士，累官中書

舍人。金主亮入寇，朝命允文犒師采石，遂督兵戰，大敗之。劉錡執其手曰：「朝廷養兵三十年，今日大功，乃出儒者。」孝宗時拜左丞相，封雍國公。
③句用申包胥泣秦庭請救兵故事，見前注。
④

蕩陰，地名。蕩陰之戰，晉惠帝敗績，嵇紹死節。見前注。

吳爾壘

爾壘，字介子，明崇德人。崇禎癸未進士，改庶吉士，李自成陷京師，從賊中脫歸，依史可法軍，死揚州之難，有滋蘭堂初集、聶許堂遺草。

朱竹垞云：『先生間道潛行，依史閣部軍中，以身許國，遇鄉人祝孝廉淵南還，斷一指裹家書中，遺其親，誓不空返，卒死於兵。曾譔死臣傳，目曰仁書。傳有小序，各繫以人，曰湛身，曰焚，曰炮烙，曰炙，曰自剄，曰不食，曰閉口，曰雉經，曰扼吭，曰立槁，曰沒俾，曰觸，曰墜，曰燬，曰烹，曰菹醢，曰鬻，曰斬，曰車裂，曰磔，曰鋸，曰囊撲，曰剝，曰剖，曰拉，曰杖，曰笞，曰鎚擊，曰刺，曰幽，曰凍，曰疽發背，曰慟哭。統論之曰：諸死者，或假手於人，或憤激自裁，或罵賊畢命，身死主悟者有之，身死敵懼者有之，身死家破者有之，身死名榮者有之，要與禽息鳥視者遠矣。其曰被犀甲，操吳戈，氣之雄，騰天河；鴛廣野，捐愛戚，志之決，頭匪恤；我心赤，我血碧，長城雖壞，白虹貫日。則先生自道也。先生之死，故人殮其屍而寄棺於佛寺，寺毀於兵火，棺亦燬焉。其家函所寄指葬之。四明葛世振入之昭忠錄，并銘其墓。』

我行其野二章

我行其野，石田嶙峋。荒原暗淡，隻不見人。黃埃接天，有狐旡旡。⊖陰風吹車，慮掣

其輪。

① 旻旻衆多貌。

相彼征駒，尙求果腹。嗟我人斯，終朝無祿。螟螣①之生，不遺荏粟。哀哉雁戶，載行載哭。

① 螟螣，害稻之蟲，螣音特。

我丁匪辰，紛此百罹。寇訏于郊，僉曰撫之。惟儉人①是咨，俾大璫②是司。我行其野，告哀以詩。

① 儉人，佞人也。儉音纖。

② 璫，宦官也。

題仁書後

被犀甲，操吳戈，氣之雄，騰天河。驚廣野，捐愛戚，志之決，頭匪恤。我心赤，我血碧，長城雖壞，白虹貫日。①

凌駟

駟，字龍翰，明歙縣人。崇禎癸未進士，授職方司主事，南渡拜監察御史，巡按河南，監各鎮軍，清兵渡河，駟馳歸德，誓以死守，城破，遂自縊。

題衣

艱難歷盡乃徒然，謝世長歸碧落天。從古文山^①能有幾，不如仗節學平原。^②

①文山見前注。

②平原謂顏真卿，見前注。

葛麟

麟，字蒼公，號瞿庵，明丹陽人。爲諸生時，走京師擊登聞鼓，雪京江太守印司奇冤。崇禎癸未舉人，乙酉福王立，巡按祁彪佳薦，授中書銜，時馬阮用事，隱居不出。南都破，與盧象觀起兵，後同殉難於泖湖。著有瞿庵集。

贈友人

怪君何事太憂愁，要作男兒拚斷頭。試看古今雄烈士，幾人保首上荒邱！

上史閣部

金符玉牒世相傳，仗鉞威稜靖海天。許國有心同旭日，趨時無意任秋烟。龍鈎光冷鯨鼈化，虎帳風高雁鶩眠。莫道東南撐半壁，還期唾手向幽燕。

文 乘

乘，字應符，明長洲人。諸生，明南都亡，與吳易同舉兵，兵敗被執，不屈，賦詩就戮。

絕命辭

閔閱 ① 名家舊姓文，一身報國許誰聞。忠魂今夜歸何處，明月灘頭臥白雲。

① 閔閱，書功狀以榜於門也。後世因謂巨室曰閔閱。

何騰蛟

騰蛟，字雲從，明黎平衛人。天啓舉人，由南陽知縣，歷官湖廣巡撫。左良玉與師東下，邀與偕，不從，走長沙，招降李自成餘衆，唐王封定興伯，令謀恢復。桂王立，爲武英殿大學士，清兵下湘潭，被執，不屈死，贈中湘王，諡文烈。

張應詔圖園集：「文信國公，宋末竭力盡忠，輔二王；何文烈公，明末竭力盡忠，輔三王，險阻艱難，其時同，其勢同，其志同。元執信國公於五坡嶺，張宏範曰：「國亡，丞相忠孝盡矣。能改心以事宋者，事今，將不失爲宰相矣。」信國公泣然出涕曰：「國亡不能救，爲人臣者，死有餘罪，況敢逃其死而二其心乎。」本朝執公於湘潭，遺之書，其略曰：「今天厭於明，神器有主，尙思收旣覆之水，然久死之灰，棄身不顧，而單騎被執，心與文山一轍，而境遇之艱難倍蓰過之，忠貞亮節，誰不憐惋。先生之道盡矣，若肯承合天意，知命來歸，當不讓洪承疇之一席也。」公報書曰：「某少壯從王，運逢屯蹇，甲申三月，自分一死，所以苟延至今日者，思躅汾陽後塵也。不意志切才疎，致滋狼狽，負恩辱國，臣罪當誅，尙可苟延人世乎！邱墓妻子不敢顧，頭可斷，心可剖，先王先公，實式憑之！」不爲利動，不可威劫，百鍊之剛，又自相同。言國公過金陵詩曰：「從合離去江南路，化作嘯鶻帶血歸。」公自悼詩曰：

「其慷慨悲歌也無乎不同」

述懷

列祖艱難業，諸臣敗亂重。揭竿①何太夥？制梃②竟誰從？國是成剗肉，③軍謀競養癰。④劇慚心力竭，無計掃羣凶。

①揭竿，謂倡亂也。

②制梃，喻爲國效忠也。

③剗肉，謂剗肉補瘡；言但顧目前之急，不顧後也。

④養癰，謂養癰遺患，有姑息害事之意。

瞿式耜

式耜，字起田，明常熟人。萬歷進士，除永豐知縣。福王立，擢右僉都御史，巡撫廣西。唐王監國，官兵部侍郎，協理戎政。清兵破汀州，式耜與丁魁楚等立永明王于肇慶，及王奔全州，以大學士留守桂林，尋封臨桂伯。在軍與士卒同甘苦，聞時政闕失，必疏諫，兩粵皆倚以爲重。城破，端坐府中，與總督張同儔俱死之。有媿林漫錄，及雲濤、松丸等集。

崇禎忠節錄：『瞿公授命時，門下士吳江楊藝字二癡者，衣衰經號哭於營中，見文武將吏，卽叩頭請改葬，凡二日，聞者感動，令備棺衾殮焉。常熟馮班有過臨桂伯墓下詩云：「馬鬣悠悠宿草新，賢人聞道作神明。昭君怨氣萋弘血，帶雨和烟又一春。」』

自警

不朽稱三立，^①唯名貫此中。完貞方是德，砥世卽爲功。生死休言命，春秋只教忠。失身千古恨，大擔在微躬。

①三立，謂立德、立功、立言也。

國粹學報：『庚寅十一月，聞警，諸將咸棄桂走，留守瞿公執城亡與亡之義，效死勿去。倣於申刻，自江東泅水入城，共誓一死。六之日以不屈被刑，捶楚之餘，木塞其口，兩臂俱傷，左臂已不復伸矣。幽囚困辱，防視甚嚴。留守賦詩八章，以明厥志。孤臣張同倣述。』

藉草爲茵枕塊眠，更長寂寂夜如年。
蘇卿①絳節惟知漢，信國②丹心上告天。
九死自甘遑惜苦，千秋公論亦隨緣。
殘燈一室羣魔繞，寧識孤臣夢坦然。

①蘇卿謂蘇武，見前注。

②信國謂文天祥，見前注。

已拚薄命附危疆，生死關頭豈待商。
二祖①山河人共擲，四年精血我偏傷。
羞將顏面尋吾主，賸取忠魂落異鄉。
不有江陵真鐵漢，②腐儒誰爲剖心腸。

①二祖當指明太祖、成祖。

②江陵鐵漢指張同倣言，同倣爲張居正曾孫。居正，明江陵人，嘉靖進

士，穆宗時，與高拱並相，神宗時代拱爲首相，飭吏治，整邊備，綜核名實，信賞必罰，爲相十年，海內稱治。

正襟危坐待天光，兩鬢依然勁似霜。願作須臾階下鬼，何妨慷慨殿中狂。頻加綁辱神無變，旋與衣冠貌益莊。慚愧老夫非怯死，輸君浩氣姓名香。

連年索賦①養邊臣，曾見登陴有幾人！上爵滿門皆紫綬，荒村無處不青燐。僅存皮骨民堪畏，□□妻孥國已貧。試問怡堂②今在否，孤餘留守自捐身。

①索賦，猶悉索敝賦，言盡所有以供給之意。

②怡堂，不詳。

邊臣死節亦平常，恨死猶銜負國傷。擁主③竟成千古罪，留京翻□一隅疆。罵名此日知難免，厲鬼④他年詎敢忘？幸有顛毛⑤留旦夕，魂兮招赴祖宗旁。

①擁主，謂擁立永明王。

②厲鬼，張巡死節時語，謂「死當爲厲鬼以殺賊。」

③顛毛，謂頂髮也。

拘幽土室豈偷生，求死無門泪轉清。勸勉⑥煩君申大義，癡愚嘆我太無情。高歌每羨騎箕句，⑦洒淚時聞滴雨聲。四大⑧久空同泡影，英魂到底護皇明。

①原注謂彭王二君時來勸。

②騎箕句用趙鼎事，趙鼎，字光鎮，宋聞喜人。高宗時與張浚共圖興

復，後與秦會不合，乞嶺南，不食而卒。自題銘旌曰：「身騎箕尾歸天上，氣作山河壯本朝。」

③四

岩疆四載盡臣心，坐看神州已陸沈。職守殉城身豈易，恩期勇死報應深。二陵風雨①時來繞，歷代衣冠何處尋？歎息時艱逢國步，河山有淚尙蕭森。

①二陵，當用左傳殺之戰故事。殺有二陵焉，其南陵，夏后皋之墓也；其北陵，文王之所避風雨也。又唐崔曙亦有「二陵風雨自東來」之句。

年逾六十復奚求，多難頻經渾不愁。劫運千年彈指①到，綱常萬古一身留。欲堅道力憑魔力，何事俘囚學楚囚？②了卻人間生死事，黃冠③莫擬故鄉游。

①彈指，喻時之暫也。②楚囚，見前注。③黃冠，文天祥故事，見前注。

初六日記事①

文山當日猶長揖，堪笑狂生禮太疎。②軀命已交初見刻，喜嗔遑計就刑餘。夷裝畢竟仍華語，漢字如教聽聖書！③張子已成千古事，知予結局定何如？

①庚寅十一月初五聞警，開國公趙印選等均遁去，翌日瞿張二君被執。②二句爲張同敵不屈

受刑掠而發，見後同做仕履注。按文山見李羅時長揖不拜。③原注謂指孔有德言。有德，清初從

順治入關，為平南大將軍，率師平湖南，所向皆捷，鎮廣西，封定南王。

自嘆示別山①

七尺那堪斗室蟠，禪關止靜好同觀。心維漢鼎②千秋痛，日極堯封③萬里酸。胡語嘈嘈魂裏聽，飄風烈烈夢中寒。扶輿④非大身非小，留得綱常宇宙寬。

①別山，同做字。 ②漢鼎，喻明祚。 ③堯封，謂中國舊有之版圖也。 ④扶輿，猶言扶搖，喻旁礴之大氣也。

閏十一月初一夜放言

周德雖衰命豈移，①天南胡馬竟長嘶。縱云將相無周召，②寧遽乾坤倒夏夷！舉世滔滔狂不醒，孤臣矯矯行偏危。無逃大義昭千古，敢望文山節並垂。

①句謂明祚雖薄，尚未應亡。左傳：『周德雖衰，天命未改。』 ②周召謂周公、召公。

緯髮明表日支贊，①株形見貫也相安。苦爭乾淨荒邊土，盡改中華文物觀。日月

脚蒙天不霽，河山破碎地偏寒。俘囚熱血魂常在，炯炯雙眸死後看。

①句謂清人薙髮垂辮。

盈耳無非賊與蠻，①俘囚視息亦何顏！投誠博寵翻蒙賤，守正嬰羅未許頑。誰謂人心真盡死，敢云故物不應還！終宵飲恨呼宗祖，寒雨疎疎淚共潸。

①原注：『彼中呼兵將曰賊，百姓曰蠻子。』

張同敞

同敞，字別山，明江陵人。大學士居正曾孫，未弱冠，卽補弟子員。崇禎間，追卹江陵相業，復其官，蔭同敞中書舍人。時朝政紊亂，同敞痛哭陳言，爲忌者所中，挂冠去。桂王立，召拜兵部左侍郎，加尙書。庚寅十月，清兵入嚴關，同敞督師靈川，兵潰，從江東泗水入桂林，謂留守瞿式耜曰：「事急矣，惟共死封疆而已！」十一月，寧遠伯王永祚迎降，城中無一兵，遂與式耜同被執，諭之降，不聽，幽於民舍，日賦詩唱和，旋被殺。

吳駿公云：「別山死事最烈；其未死也，受拷掠，兩臂俱折，目睛出，語不爲撓。稼軒有初六日記事一詩云：『文山當日猶長揖，堪笑狂生禮太疎。』別山和云：『臂先頭斷生堪賤，身爲城亡計豈疎。銜木焉知舌在否，睛亡自笑眼多餘。』此其被刑時詩也。若兩公者，真可謂殺身成仁者矣。」

熊岑溪云：「清定南王久耳公名，欲活之，勸諭百端，公不從，有『命延一刻慚難負，論到千秋慮益深。應知同學談忠孝，決不偷生負鬼神』之句。定南王召公諭之，公以死自誓，猶張空拳，將擊王，左右兵之，斷公臂，傷睛，有『舌存不信乾坤去，臂斷寧同兒女傷』。又臂先頭斷云云。左右曳公跪，公不肯，席地而已，猶慢罵，左右以木塞其口，有『腰膝尙存堪作鬼，死生有數肯呼天』。又銜木焉知云

「斷臂傷睛木塞唇，猶存雙膝見忠臣，但將一死成今古，剩有丹心質鬼神」等句。聞者莫不哀之。」

和稼軒師浩氣吟八首

稜稜瘦骨不成眠，祖德君恩四十年。腰膝尙存甘作鬼，死生有數肯呼天。疊山①
欲附文山烈，蘇武②休思漢武③緣。蹈鑊撩衣④談笑裏，何須血淚更潸然。

①疊山、文山，並見前注。

②蘇武，見前注。

③漢武帝，名徹，承文景之業，興太學，崇儒術，平南越、東

越、朝鮮，下滇及西南夷，斥匈奴，通西域諸國。版圖益廓，稱爲雄主。惟急征斂，重刑罰，有刻薄寡恩之嫌。在位五十四年。④蹈鑊撩衣，本茅焦故事，謂不辭就死也。

異國凋零非故疆，首山①一死尙留商。舌存不信乾坤去，臂斷寧同兒女傷！胡語
可憐原漢語，帝鄉無路是愁鄉。悲魂應變天邊月，照見孤臣鐵石腸。

①首山，謂首陽山，用伯夷、叔齊事，詳前注。

連陰半月慘無光，草簟終宵薄似霜。白刃臨頭惟一笑，青天在上任人狂。願留衰

鬢酬周孔，^①不羨餘生奉老莊。^②有骨可埋頭可斷，小樓夜夜汗青香。

^①周、孔，謂周公、孔子。

^②老、莊，謂老聃、莊周，均道家。

四載危疆一個臣，^①城亡雖待愧今人。將軍不肯留犀甲，風雨惟聞哨碧燐。列國冠裳何事改，九邊賦稅爲誰貧？傷心烈祖當年志，寸磔應叢百世身。

^①瞿式耜任留守凡四年。

生當吾世遇非常，坐臥形容亦可傷。胡馬夜嘶過百粵，^①老臣慟哭守殘疆。千秋正氣憑□鑒，一死中原遂忍忘？不入耳言今古淚，有懷欲訴孝陵^②傍。

^①百粵，謂廣東也。

^②孝陵，明太祖陵墓，在南京。

凜然大義自平生，囊底無錢魂亦清。二烈雙忠^①原有數，九朝七世^②豈忘情！忍教骨肉皆冤鬼，多難師生共哭聲。想見刀頭空一切，長宵盼不到天明。

^①二烈雙忠，不知所指。唐張巡、許遠稱雙忠，有雙忠廟。又宋末陸秀夫、張世傑亦稱雙忠。

^②九朝

七世，以南宋、元、明、清、南、明、清、高、光、寧、等九朝，凡七世。

日日入金攢我心，天人幽困見消沈。厄馴此日身難免，論到千秋慮亦深。粵月應憐偕砥礪，楚魂①誰爲賦招尋！昨宵猶夢亡親在，醒後惟聞碧雨森。

①楚魂謂屈原，原死，其弟子宋玉爲賦招魂。

忌生翻覺死難求，甲士相環任我愁。祭酒①一生同臘盡，睢陽②二字共名留。已拚魂作他鄉鬼，博得人稱亡國囚。二百年來恩怨血，先皇應許得從游。

①祭酒，不知何指。

②睢陽，謂張巡，見前注。

稼軒師贈余一詩，余惶恐待死之餘，漫和一章。

臂先頭斷生堪賤，身爲城亡計豈疏。銜木焉知舌在否，傷睛因笑眼多餘。①血分

顏柱②悲前史，癩伏襄橋③有特書。早晚刀山游息好，古人慷慨愧難如。

①三四兩句，見前仕履附注。

②顏柱不詳。按宋楊邦乂知溧陽時，金帥完顏濟江遣人說降，邦乂

以首觸柱流血，不從，旋被害。與詩義相類，不知是否。

③豫讓，戰國晉人。初事范中行氏，無所知名，

去而事智伯，甚見尊寵。智伯爲趙襄子所滅，讓變姓名爲刑人，挾匕首欲刺襄子，不果，又漆身爲癩，

吞炭為啞，伏於橋下，為襄子所獲。襄子責其何以不為范氏報仇，讓以智伯國士相待為對，並請襄子之衣而擊之。襄子義之，乃使使者持衣與讓，讓拔劍三躍，呼天擊之曰：『可以報智伯矣。』遂伏劍而死。

留守師見贈二詩依韻賦答

仗節誰云有異同，此身此難正遭逢。書生恥效荀文若，①夫子堪師信國公。②共看挺身當亂裏，可憐渡水入城中。願隨君死非無意，烈烈天朝賴世忠。

①荀彧，字文若，後漢潁陰人。舉孝廉，曹操以為奮武司馬，軍國事悉以咨之，積功封侯。董昭等欲進

操爵為魏公，彧曰：『曹公本興義兵，不宜如此。』操心不平。後彧病，操饋以空器，遂飲藥卒。②信

國公謂文天祥，見前。

當年竊幸識韓荆，①已許今朝共死生。商粟②勉餐貧可授，南冠③未改座中盟。臣心既盡悲誅磔，胡語空勞說姓名。一線幾希師若友，有仁須殺此身成。

①韓朝宗，唐長安人。歷左拾遺，累遷荊州刺史，喜識拔後進，當時士咸歸重之。李白與書曰：『生不

頭討萬石矣，且願一識韓荊州。』其稱慕如此。②商粟，伯夷叔齊首陽山事，見前注。③南冠，見

稿成寄僧

旦夕刀頭思，文章豈再持。死生一片血，天地百年悲。遺稿無多句，將書寄二詩。孤心從此別，莫問今何時。

囚月餘矣十二月初十日暮欲出予予知此際亦成我矣乃喝設案展几拜

天地祖宗畢毋損我冠裳卽就殺復吟一章

一月悲歌待此時，成仁取義有天知。衣冠不改生前制，名姓空留死後詩。破碎河山休葬骨，顛連君父未舒眉。魂分懶指歸鄉路，直往諸陵拜舊碑。

萬 泰

泰，字履安，號悔庵，明歸安人。崇禎舉人，官戶部主事，與陸符齊名，其詩兼史事，寧波文學風氣，泰實開之。入清，以遺民終。居恆慘懷國變，忽忽不自得，嘗曰：『此心耿耿，安得一把火焚之成灰耶！』

東義扶①

昔我游膠中，②神理淡孤吹。晨夕友素心，人文揖古誼。宗盟推上谷，③黃陳④分
座位。蘇子⑤最靜穆，道義稱昆季。我得從之游，把臂笑相視。以君冰雪姿，滌我風
塵氣。莊莊⑥無苟容，落落⑦成深致。北闕偕上書，南天各垂翅。⑧悠悠六七年，天
涯紛涕泗。君涉吳江深，我入越山邃。愁觀白日靜，坐老蒼天瘁。足音空谷⑨來，相
看總顛顛。深語不終歡，乍見還疑寐。蹙額託侯黃，⑩一語一揮淚。豫讓⑪國士心，
杵臼⑫男兒事。緣君見古人，始識彝倫字。深深此日談，脈脈當年意。乃知證懷人，
絕去榮觀智。明夷⑬大道存，後死斯文寄。南陽⑭田可耕，商山⑮芝可餌。况當強